

10.- XAMXAMU MBOOLOO

Ñun ay jàngalekati taariix (istwaar) ak xamxamu suufsi (seografi) jànga lañu. Ki Carmen la tudd, man Pilar laa tudd Ñooy jàngal waa ekool bi. Njàng mi ñaari xaaj lañ ko xaaj.

Boo jeexale ñaari xaaj yooyu dañ lay jox ab diploom ngir nga mënë kontine ba Bak. Booy jàng Bak dinañula jàngal seografi, art ak istwaar.

Ci istwaar di nañ jàng jamano ya doomu aadama doon dund té mënulwoona bind ba sunu jamanoy tey. Dinañu jàng tamit seografi fisik, bu koomkoom ak politik.

Taxawleen ma leeralal leen at mu jot lingeen ci wara jàng. At mu jëkkmi seografi ngeen di jangue ak istwaar. Ci seografi dinañ leen jàngal suufsi, ndox yi, montaañ yi, akit jaww ji. Njàng moomu nak dañ koy jëmële ci Aragon ak Espaañ, di fiñiy dunde. Su seografi jeexee ñu dëgmël istwaarbi foofu dinañ gëstu nan la nit ñi doon dunde lu jëkk ñuy mënë bind ba ci yoonu dundinu xeet wuñuy wax romeey yi. Lu loolu weyee, ñu gëstu suñu dundinu Espaañ bu jëkk.

Ci ñaareelu atmi dinañu kontine di jànga seografi wayé bii yoon askanwi lañuy jàng, gëstu ci tukki yiñiy tukki, likowaral ak limu mënë jur, bu ñu ci paree jàll ci aktiwite koomkoom yi. Ci istwaar dañuy jublu ci at mu diggdóomu mi, foofu dinañ fa jàng mbooleem aada yi nekk ci Espaañ, Yéen xam ngeen ni mooy aada kreceen, katolik, ak aada jullit.

Ci ñetteeli atmi lañuy jàng seografi fisik, foofu lañuy jàng kontinaa yi, seen ndox yi, seen montaañ yi, seen koomkoom, mbayum réew yu suqqaliku yi, mbayum réew yu ñàkk yi, isinyi ake sektëeru ñetteelbi dinañ jàng tamit mbiru askan lu demeni dëkk yi, jafejafey adduna leegibi, dinañ jàng tamit si Espaañ wuteek adayi, ak lu tax nitñi ëpënte ci gox yi.

Ci at bu mujjbi dinañu jàng istwaaru jamano leegi ak yi ci soppeeku. Dinañ jàng mbooleem yoonu dundin yi am ci adduna bi, dañuy def njàngum aada yu boolo, dinañ jàng itam mbir yu bees yi xew ci jamano ji yu deme niki yiñ fi feeñal, jeego ci gëstu yi, aar bi, mbir yiñu dekkëliaat, coppite gi amoon ca Faraans, coppite gi amoon ci isin yi. Buñ ci paree ñu jëm ci adduna leegi bi nettali xeex yi mësé am ci adduna, lu demeniki geer monjaal yi ba bañuy egsi ci Espaañu jamano jii

Ci njàng moomu dinañ jëfëndikoo jumtukaay yu bari: eleew bi warna am téere bu xamni moom lay indi bisbu jot ak yeneen juumtukaay yimuye àndal. Waaye ci biir bërëb biñiy liire amna fa ay juumtukaay ngir seetaan DVD wu aar ak yeneen yoo xamni di na leeral aada ak yoonu dundin ak ay téere yo xamni kunekk dinga mënë gëstu linga bëgg. Ci xeetu njàng mii bookkna lici gënë amsolo nga xam na ñoo jëfëndikoo kartu seografi. Dinañ jëfëndikoo tamit ay ordinatëer ngir nga am ay xibaar akit ngir nga mënë def liggéey yoo xamni dinañ ko waxtaan ci kalaas bi.

ELEEW: jàngalekatu istwaar bi dinañu leeralal liñuwara jàng jaareko ci ay desen jàngal ñuko, defaralñu ay karte. buy explike loolu. Man dama koy bind mbind mu leer, ci wàllu cammoof wi ci kaw kayit bi fa laay bind bisbi, ci wàllu ndeyjoor wi ci kaw kayit bi ma bind fa macceer bimay jàng. Mbind mi dafa wara leer nàññ, ngir sumakoy jàng duma am benn jafejafe. Suma paree deñc ko bubaax ngir mu baña jaxasoo.